



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanuelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Matris In Utero Ioannem invisit. 3

urn:nbn:de:hbz:466:1-38349

Plenam gratiã profitetur,
Et adhuc in ea Immensitati postulat locum;
Usq; adeo penetrabilis cum gratia Deus est.

Quanta potentia fœminæ,
Quæ mundum ea ipsa voce refecerit,
Qua olim est factus?

Quanta claritas,
Cui vel tanta lux obumbraret?
Prævenerat Legatum suum Deus:

Erat jam in Virgine Dominus,
In quam admitti filius postulabat.

Vix igitur humanissimo emisso
Divinissimum admissum in utero Verbum est.
Patendi studio merita virtutem pariendi,
Fœcunditatem Virginitati non prætulit,
Sed adjunxit.

Se tunc potissimum sui Dominam probans,
Cum Dei prædicaret ancillam,
Regum Regi, ut servus esse pateretur,
Præivit exemplo.

Impetrata facultate mœroris lætior Deus,
Nostri provehens, & sua non minuens,
In prædio mortis æternam seminat vitam.
Non ideo minus Nobilis, quia Homo novus,
Exclusos à cœlo miserans inclusus in utero,
Dilatate Charitatem didicit ex angustiis.

Sperate Mitiores Judicem Rei:

Cœpit aliquid habere, cui timeat.

Inhumanus esse non possit,

Qui tenacissimo glutino humanitati conjunctus,
Separabilis jam ab illa non est.

ELOGIUM III. MATRIS IN UTERO JOANNEM INVISIT.

Luc. cap. I.

tibi Deum conceperis
In Montana abeas necesse est.
Altissimus pati valles non potest,

A 2

Quas

*Ingressus Angelus
ad eam dixit, Ave
Gratia plena, Do-
minus tecum, &c.*

*Alludit ad illud.
Fiat, per quod facta
sunt omnia, & ad il-
lud, Fiat mihi secun-
dum Verbum tuum.
Virtus altissimi ob-
umbrabit tibi.*

*Ad illud, Dominus
tecum, benedicta
tu, &c.*

*Ecce ancilla Domini,
fiat mihi secundum
verbum tuum.*

*Ex Bernardo, Virgi-
nitate placuit, humi-
litate concepit.*

*Qui imperat sibi
servus undequaque
esse non potest.*

*Exempla Maria
ipsum etiam ad hu-
militatem moverunt
Deum.*

*S. Leo serm. 3. de
Nativ.*

*Caro prædium mortis,
in quo qui seminat,
metit corruptionem,
ex Apost. ad Gal. 6.*

*Homo novus apud
Latinos idem quod
ignobilis. Christus
autem dicitur homo
novus à Paulo. In-
duite novum hominem.
Vnio hypost. tenacissi-
mum glutinum, quia
quod semel assumpsit
nunquam dimisit.*

*Ambr. lib. in Luc.
Quo enim Dei plena
nisi in superiora cum
festinatione contem-
deret?*

*Prædictum ab Isaia,
Quod omnis vallis
implebitur, &c.
Maria Cælum sapa
à Patribus dicta.
Vide Theoph. Rayn. in
suo Nomenclat.*

*Deus inimicus otis
Nazareth Hebrais
idem, quod Civitas
florum.
Montibus ver ferius
aritur, quam campis.
Christus flos campi
in Canticis. cantic.
Contra Aristotelis, &
Philosophorum do-
ctrinam.
Exultavit enim in
utero Infans.
Alludit ad Choreas
Davidis coram Arca,
Maria autem ipsa
etiam Arca dicitur
passim à Patribus.
Christus Gigas exul-
tavit ad currendam
viam. Ps. 18.
Prodromus Christi
Ioannes.
Ex ipsius enim san-
guinibus corpus as-
sumpsit.
Ascendebat, quia
ibat in montana,
descendebat, quia
mundi Domina se
dermittebat ad obse-
quia se minoris.
Ecce enim ex hoc bea-
tam me dicent omnes
generationes.
Magnificat anima
mea Dominum, &c.
Exultavit infans in
utero meo, ait Eli-
zabet.
Maria vero, & exul-
tavit Spiritus meus.
Christus à beneficentia, ubicumq; sit, noscitur.*

Quas impleturus descendit.
Sursum gravitat Christus;
Eum qui gesserit pellitur ad excelsa.
In Cœli stare nescientis mores Virgo degenerat.
Ex quo Divinitatis Bajula
Cœlo successit.
Nimirum ubi Deus quiescit
Æternus est ad beneficentiam motus.
Jam non sola Nazareth Civitas florum est;
Incalescere Mundus cœpit;
Vernat vel in Montium horrote Flos Campi.
Primus Motor motus & ipse jam movet:
Defertur ad sterilem,
Et quem non videt oculus, Uterus sentit.
Iterum coram Arca Choreæ.
Ad tantam Morum harmoniam
Tales Choreæ.
Giganti præcurrere nemo potuerat,
Nisi qui inciperet tam maturè moveri,
Quia Cœli Classicum, Mariæ vox est,
Ea audita Prodromus liberatur ad cursum.
Deo consanguinea
Adhuc se cognatam hominum meminit.
Et ad Elizabeth ascendendo descendens
Ipsam difficultatem itineris,
Causam itineris facit.
Silentium abiciens Plena Verbo,
Beatam negare non ausa,
Quam omnes dicerent,
Sortem suam
Ipsa sui diminutione Magnificat.
Exultationis planè dies,
Cum in una Infans in utero,
In altera Spiritus exultavit in Deo.
Celati Christus
Nusquam minus, quàm in visceribus potest.
Ubi se non prodit, ibi non est.
Nullæ fatis cum latebræ tegant,
Qui beneficiorum suorum
Se & magnitudine, & numero detegit.

ELO-

Et tamen si quod est secretum in homine, viscera sunt.